

連州志卷之首

舊志攷

連州自宋咸淳始有漚川集年遠散佚漫不可考迨明宏治中知州曹鎬始有重修刻木然猶合志兩縣迄萬歷十二年知州時一新謀之郡人曾象乾侍御將舊刻本覆而新之於是乎始別爲專志洎我

朝順治中知州王彥寬康熙中知州安達里王濟民相繼重修雍正中知州陶德壽續輯未成而羅王乾隆三十六年知州楊楚校又復重加修

連州志

卷之一

舊志攷

輯壽之東梨故州志體例自曹時諸刺史纂修以來至今最爲完備茲特取前賢修志始末并之卷首庶幾相承之緒畧有考云

明宏治十二年知州曹鎬重修州志 佚

鎬序鎬初至連州欲讀志書而不可得乃徧求於士大夫衆始得一刻本惜其前後脫落不知修於何人之手考其所載至咸淳十年而止斷爲晚宋時人無疑後又得一寫本乃纂修於成化初年者也雖多及於時事然一以晚宋刻本爲主而其纂修姓名今亦不有且縣志雖附於州然而各自爲卷有者不相干涉

者鎬竊病之卽有志於重修而未暇也去治戊午夏
巡按廣東監察御史王公檄鎬查理驛傳政務甚簡
舟中因取而修之凡例則以州志爲主而以兩縣事
附之獨仙釋惑世誣民害道不淺故特刪而不錄又
以古今諸文有關於是州者附於其後共爲六卷然
猶慮其遺漏尙多未敢以爲成書及事竣還州乃以
詢於父老考於史傳參之以版圖案牘然後備焉鎬
嘗觀此論之通實履表之支郡爾舊貞元時風氣猶
未開事物不及於今遠甚觀韓昌黎寄三學士詩及
送區册序中語可見自大中來風氣爲之大變綿延

連州志

卷之一

舊志攷

二

至於南宋未已雍厥由來乃自韓昌黎劉夢得二公
始何以知其然也蓋自昌黎令陽山時實正元甲申
又十一年爲元和乙未夢得乃刺連州又三十二年
爲大中丁卯劉幾之始登進士第其後三百餘年士
之工詩屬文擢高科登顯仕者後先相望下迨戶口
貢賦產物宮室亦於是乎爲盛因視昌黎詩序中語
大不相似其化謂非二公始而誰始乎嗚呼二公有
功於連矣自元至今較之晚唐盛宋殆不能及豈皆
爲守令者其賢不及韓昌黎劉夢得而然耶抑氣運
使之然耶將別有其說耶不可得而知也鎬承乏是

郡非不欲修政教以繼二公之遺闕而才力不及
未免碌碌之謂耳故書此於篇端自易云

萬歷十二年知州時一新重修郡人曾象乾編纂佚
象乾序余在告之二年將以痊可趨闕下職事而時
大夫以郡乘來謀乘言郡事全仰郡人誼安所辭於
大夫顧乘以徵往以故來也從刊世之下鏡百世上
事若辨黑白數一二此非遵往帙何辭哉連在宋咸
淳日有湟川集漫不可考其行之民間者惟曹大夫
志志作於宋治時距今近百年曹公時爲郡守耳目
洞於勢分探討奪之簿書秩官選舉郡事莫不首垂

連州志

卷之一

舊志攷

三

記不載餘何遵焉杞宋無徵孔子謂文獻不足故也
連在今日其以獻稱者將焉所屆指無是二者而欲
言志難之矣難之矣時大夫曰然創聞郡民中有能
嘉者喜蒐往事家有藏書禮失而求之野僮亦庶幾
也因羅而致之余爲蒐羅補遺訂訛凡三閱月
竣事總之爲書者六卷書說命曰明王奉若天道建
邦設都樹后正君公承以大夫師長不惟遵義惟以
亂民建邦設都則地之謂矣首地書大夫師長非官
乎次官書政教之禮教之皆以爲亂非以爲亂也作
政書禮書人有出於治教之外者不必混事有

政禮之中者不必遺作外書雜書六書具郡之事大
畧備矣雖然今之郡乘古之外史也作史之難古人
譚焉故非博聽睹不備非積時日不工余既局守方
隅又率爾竣事述近體則文殊渾噩敘俚俗則詞謝
雅馴廣收採則辭鄙雜陳存舊疑則承亥不免欲以
自附於史詎不難哉然竊聞之古者太師陳郡國民
風卽閭巷歌謠皆得達於天子彼閭巷語豈暇博之
聽觀以求備積之時日以求工耶史之文華閭巷之
語實不惟其華惟其實則斯志也固觀風者所不遺
也廼彙其草以授之時大夫大夫斂之梓亦三閱月

連州志

卷之一

舊志序

四

始訖其工云

國朝順治十五年知州王彥賓重修秩
彥賓序余初入連覽渙之溪山岑巖奇峯怪石森若
圖繪卽徧索州乘而讀之僅得馬侍御舊本蓋時大
夫修自明萬歷乙酉也志才餘襍聞畧遺忘讀者致
嘆思以出梨棗於舊藏參墨朱於新帙而無如大地
一變昆蟲草木一變泣秋露者驚夢蝶者傾圯剝墜
裂蠹腐者十八九且是地介於湖湘雜尚諸境盜常
弄兵雖欲刻意編摩綴續而承述徒費咎苦似復耳
州庭寂靜誠可羅雀固不爲得書奪爲時勢奪也冠

因憲檄謂通慰修素所願郡志卽列國史也魯
史所見異辭所聞異辭所傳聞異辭不考異何以徵
同而不考聞何由得見隨訪之父老徵之見聞如漢
危素晚老軍有自然矣尤喜得連邑學博尹君校而
正之刪潤訂訛揮塵投飯何鑑不精余各於類覽續
志其說凡例如舊增輯者半雖謀之几席而慮徹通
州議之一時而計深百年維挹其風化世道所重者
大書特書而提綱而詳目而除蕪而補逸而辯隸而
尙貴尙賢而予之奪之從同創也專紀載也盡變義
也春秋之法言之重詞之複其中有大美惡焉忘勸

連州志

卷之一

舊志攷

五

也志懲也志懲而爲勸也要使今昔不混其遺而並
存其故非恃己學以一成之智泐之爲鑄并覓創
枉鳴絃也如考吏治民風則有列史在焉是故覽
賈行紀知南越向背之因讀直隸先賢傳知交士人
物之盛觀趙魏廣州記知牧守之賢閱楊學南裔志
知異物之類於泉知吳隱之之廉於亭知沈田子之
捷於戈船樓船知兩伏波之餘烈於潮於柳於惠於
循知四大家之遺文也倘繼予起者觀而善之舉而
行之相與有成則後之或有功於連而予亦庶幾無
憾於連也已

國朝康熙二十六年知州安達里重修

達里序粵惟連州一區禹貢荊州之域也自劉宋創建以來歷代沿革不一興衰靡定雖風土服習各固於一方之內而移風易俗本自韓劉二公始所以前志備載忠臣孝子節婦貞女以及仙釋祥異繼踵前趾輝映川嶽嘖嘖於人口者直媲美於中州矣

國朝定鼎州志已修於康熙十二年第自十五年變亂至今又越十餘年其間運會變遷有足採錄者自宜登載志內況今嶺南濱海屹然帶礪之封百粵巖疆仍復

連州志

卷之一

舊志攷

天朝之度

聖天子虛懷繫念顧謂殄逆殲暴以來粵省山川城郭豈無侈然改觀者乎井里戶口無復增減徭役賦稅無有盈縮者乎其閭閻里巷當必有節烈士女操義秉貞凡此俱關世運不忍淹沒於草莽也爰下

詔諮諏博採備錄以登

秘苑余叨守是邦

憲檄至日即延紳士謂曰茲典甚鉅所關非眇余一人之心志有限衆人之耳目無窮自變亂至今災眚變異節孝貞烈有裨地方盛衰人民風教可堪抑揚

此足以警世垂戒者不妨巨細隱微悉聽見聞以傳
上之

當事績成一代文獻即如前修所定有一事而先後
異宜一人而初終易節仍不妨取全志而斟酌損益
之若必化牡驪黃之畢索升宵魯魚亥豕之俟辨所
慎一日精詳則定爲千古確論矣公毋忽惟諸君是
望焉紳士唯唯而退余觀夫桂陽三石既險一水繫
環雖曰五嶺之奧區實爲三省之衝要亦楚粵間一
都會也一有警變連州必當其鋒余於蒞任之始正
值連民鋒鏑之餘城市雖殘瓦全然戶口不無蕭條
連州志

卷之十一

舊志考

七

賦役不無煩擾憂勤拮据撫字爲艱今幸

威遠播四海昇平雨露時而稼穡登清風布而萬寶
成三年於此始見井里豐盈人文蔚起侈然可觀獨
是猶人一種盤踞深山素爲連患恩侈則驕威猛則
侮必恩威並濟斯可懷畏兼收然於狼戾成性未必其
革心向化也亦惟是靡羈弗絕而已雖然此特爲連
人患耳未可爲連風薄也若稍風誣於連之今日十
數年間補遺缺新或忠孝或節烈炳炳人聞可堪訓
世型俗者固不乏人既已褒美而闡揚之矣間亦有
背本微利者流泄泄時事不惜朝秦而暮楚者彼自

國

玷其官方諸紳士必質之輿情衷諸公道繩以

法不能過為之諱而遺之初未嘗任臆於其間也若

夫一州之山川城郭徭役賦稅與人民之盛衰政事

之因革余之責也則今日者亦惟稽風察土舉向之

城郭繡錯如故誌之并里豐盈如故誌之戶口賦稅

仍然不改者誌之以告無異於斯土也已耳至於振

作鼓舞俾教化浹於斯民必如韓劉二公而後可則

余也不敏請以俟之君子

連州知州廣甯安達里績
修學正程卿梁奇定訓

導博羅李嗣軒
更目金華盛學毅同修
候詮訓
導貢生梁登甲
莫宏齡纂輯
廩生曾櫻
鄧元
瑋
楊標
生員張連城
馬蕃庶
貢生石遇嘉
楊紹震
生員盧兆龍
印錫祿
馬兆熊

連州志

卷之一

舊志考

八

國

朝康熙四十九年知州王濟民重修佚

國

濟民序連州有志其來舊矣入我

朝一修於順治戊戌一修於康熙丁卯歷今有二十

餘年雖其山川形勝城郭井里土田物產無改於昔

然事因時起政由俗易賢才之奮興仕宦之茂建忠

厚

貞孝節之卓立固多可紀者使不悉羅而備誌之則

無所傳於前又安所稽於後哉况曩者山徭蠢動集

三省官兵剿撫竝施仰賴

威赫濯頓爾革心向化隨設三江鎮移韶協將士駐

防焉為善後計余承督撫題請調守斯土目擊兵事

顛末且鹽政蠱壞千瘡百孔左決右潰正在殫心籌畫問幸蒙撫憲范公題往連楚分引行銷庶國課阜完而商本不析傳曰所見異辭所聞異辭所傳聞異辭蓋言傳言不如親見立辭有據可無疑也則茲志其可緩乎爰集紳士開局纂修徵其實傳其信搜其遺聞其幽閔兩月而告成余忝牧也例得先一言於簡端夫守令者承流宣化者也於民最親民有利亟爲之與民有害亟爲之除士而絃誦於庠焚膏繼晷有不足則續之農而耕鋤於野暑雨和寒有不給則助之商賈牽車牛而赴樂郊櫛風沐雨有不虞則安

連州志

卷之一

舊志攷

九

之刑期於平無任喜怒而淫以逞賦供以正無填谿壑而腴以削斯可上無負

簡

書而下克惠元元也雖然知之匪艱行之惟艱余素

有志而未逮姑臚言之以與後之牧斯民者共勉焉

慎毋曰志善不志惡有勸無懲遂可肆然於民上也

連州知州三韓王濟民續修學正東莞衛金章鄉紳石揚祖 候銓訓導貢生曾櫻 鄧元璋 楊標纂修 廩生何連溪 增生馬夢杞 嚴桂球 附生李璵泰前

國

朝雍正癸丑年知州陶德肅重修未付梓

國

朝乾隆三十六年知州楊楚枝重修存

楚枝序古者四方之志皆掌於外史其後列國各有

紀載如趙奕之吳越春秋前號之華陽國志悉述一方聞見此郡縣志所由昉也連志相沿已久邇我朝開國之初王公彥賓肇修州志嗣是則安公達里王公濟民相繼重修雍正癸丑周公德憲復裒訂成帙旋以代去不果壽梨余於乾隆戊子承乏臨平閱三韓鈔本距今六十一年未加增葺殊爲缺事幸簿書稍暇爰請之

列憲開局纂修載筆踵前人之舊芟刪其繁冗補其闕畧於其門類之外錯者釐定之事故之後起者續增之一切因革損益宦績鄉賢固已考獻徵文光於簡

連州志

卷之一

舊志考

十

冊矣雖然抑更有說焉昔先王納賈陳詩觀民俗美惡連卽嶺表支郡然觀於山則連萬山爲一山不獨巾峰圭峰翠峯而崔嵬也觀於水則連萬水爲一水不獨盧溪雙溪汪洋而浩瀚也觀多士橫經於列秀則紫巖父子之教澤曠古如新也觀農人引漑於龍陂則袁氏兄弟之遺蹟至今可泝也繹觀之爲義高者時下者淳秀者升機者處卽通邑大都何以過是况

聖天子德化覃敷濱陽淮口之間無遠弗屆納貢稅而總兼及錕丹砂鍾乳不鑿於楞巖湯槃瓠而鷹化爲鳩

金鼓樓船不喧於瀨水於是湟川戶二萬有奇靡不
服先疇食舊德黃童白叟共熙皞於化日光天歌燕
喜者趾相錯也刺史際休明之

盛世睹民物之阜成惟是奉揚仁風宣

德與連之人沐浴而咏德之卽是編不爲無助苟覽
焉者咸能以禮義陶淬知所嚮方異日太史採輶軒
而獻之

則忠如劉瞻孝如鄧魯龍文章者擢賓客昌黎之秀
舊道德者登養源致一之堂炳炳麟麟魚魚雅雅必
將接跡而起而蒞治者亦可觀厥成矣則是志也豈

連州志

卷之一

舊志考

十一

特一方之掌故已哉謹序

連州知州太和楊楚枝

修

署州判吏目山陰李良翰

同知

興業譚有德重

檢

李承棟同修

舉人山陰

吳光纂輯

貢生何百

元

善

吳居中

廖曾璵

鄧敘

校訂

監生邱元

元

馬繼長

何文瑛

馬永基

盧治政

員唐鳳羽

吳羽英

楊之瑩

楊之瑩

楊之璣泰閣

醫學李世澤

重修連州志序

在昔陶君德熹續修州志未成書代去士
論惜之予以今

上御

極之四年來權連篆見夫風俗敦龐政治

簡易心竊喜之然未悉風土民情之宜以
及文運興衰吏治得失亟索志披閱則猶
乾隆辛卯楊君楚枝舊本卷帙糜爛幾無

連州志

卷之二

序一

完書溯乾隆辛卯迄今年逾十紀天道變
更人事互異雖星野輿地相承不易其中
學校職官經政建置兵防諸門因時變通
所在皆然卽如咸豐甲寅己未等年疊遭
兵燹變故頻仍干戈擾攘之際必有能吏
幹將志士仁人與夫貞婦烈女維持其間
若非及時續修將來事蹟久漸就湮百世

而下不更苦於文獻無徵耶况連為嶺表
與區稽諸通志唐宋及明科第甲於通省
卽我

朝定鼎以來州人士接踵而起者代不乏人
先正遺風於茲未墜爰於聽政之暇進諸
生而示以志衆皆踴躍從事迺為請之
列憲設局纂修擇人而任經費理之局中

連州志

卷之一

序二

事實職之採訪讐對掌之分校予第提綱
挈領以餘力及之方謂百年曠舉成於一
旦詎編輯剛半而瓜期已屆不獲竣其事
以壽棗梨一如陶君當日故事瀕行睠顧
不勝悵然維時代予者為覺羅祥君芝庭
與予有同心予知其必能觀厥成也企予
望之

同治七年歲次戊辰蒲月端陽前二日書
於羊城燕濟會館之西軒

賜同進士出身

誥授朝議大夫前翰林院檢討 記名御史歷

充壬子科山西鄉試正考官提督廣西學
政署連州直隸州事候補知府歷城袁泳
錫拜撰

連州志

卷之二

序三

序

昔朱文公爲南康太守甫下車即詢郡志誠以志之爲書述往古昭來茲典甚鉅也余以同治戊辰權連州事流覽志乘殘缺頗多爲悵然者久之旣而聞前任袁君雪舟設有修志局因召郡人士問焉僉曰事誠有之但尚未成書袁公已解任去嗣後經費支絀以致中止今正有待也余

連州志

卷之二

序四

曰嘻是守土者之責也余敢不躍而成之於是謀所以主是稿者適單藻林太守自江右解組歸即託以前事太守無可辭乃移局於南軒書院擇郡人士同任其事而余亦於退食之餘時往商辦並籌經費以應度支而諸生采訪攷訂各盡其職不朞年告成余受而讀之見夫編年祥異經政建置風土藝文諸門類靡不悉心考

究據撫詳明聞有其人其事無關風化者
而弗錄若一節可稱則必旁搜博訪使
無遺憾自來志乘之書每苦詞費是編提
挈綱領援古據今無詞縟語舉刪削之可
謂盡善矣余愧不文濫膺劇任而於斯事
有甚幸者誠以得失利弊燦然並著披讀
之下既以悉此邦之情事而因以警勵其
心志是即牧斯土者所取鏡之資也工竣
連州志

卷之五

序五

諸君子屬為之序而書此予之

同治九年歲次庚午仲春既望題於州署
之東齋

詒授

奉政大夫知府銜署連州直隸州事前刑
部四川司掌印郎中覺羅祥 瑞拜撰

序

郡邑有志書古所謂外史也吾連
舊志修於乾隆年間今將十紀矣
同治戊辰予由江右解組歸都人
士出新修志稿前半見示曰此前
刺史袁公之手澤也受而讀之
美具三長方欲進窺全豹則以採
訪未畢公已瓜代去倉卒猶未

連州志

卷六

序六

就也未幾覺羅

祥公來權州事

謂志與

史相表裏政典攸關有其舉之莫
敢廢也當亟踵成之爰移局於南
軒書院卽以袁公當日所定之
舊章與舊人使終其事設為總纂
分纂等名目以專責成經費不足
則為籌款以足之公餘之暇親詣

國